

三國志通俗演義

卷之二十四

I 242.4

1

三國志通俗演義（共三函）

一九七四年十月北京第一版
一九七四年十月上海第一次印刷

人民文學出版社出版
上海市印刷七廠印刷
新華書店發行

定價：線裝本每部一百七十元
書號：一〇〇一九·二一五八

三國志通俗演義卷之二十四

目錄

鍾會鄧艾取漢中

姜維大戰劍門關

鑿山嶺鄧艾罷川

諸葛瞻大戰鄧艾

蜀後主輿櫬出降

鄧艾鍾會大爭功

姜維一計害三賢

司馬復奪受禪臺

羊祜病中薦杜預

王濬計取石頭城

三國志通俗演義卷之二十四

晉平陽侯陳壽史傳

後學羅本貫中編次

鍾會鄧艾取漢中

却說司馬昭與西曹掾邵悌曰。諸葛武侯六
出祁山。折我許多將士。姜維九犯中原。使我
百姓不安。將士怯然。我見鍾會之策。正合我
肺腑。今日伐蜀。如反掌耳。汝衆人之意。皆言
蜀未可伐。人心乃怯。人心怯。則智勇竭。若使

強戰必敗之道也。今衆人心怯。惟有鍾會獨
建伐蜀之策。是心不怯。故遣伐蜀。蜀必滅矣。
蜀滅之後。降者無非蜀人也。凡敗軍之將。不
可以言勇。亡國之大夫。不可以圖存。蓋心膽
已破之故也。若蜀一破。民心恐懼。不敢再反。
將士各有思歸。誰肯順彼也。若有異心。自取
滅族。此言則吾與汝知之。切不可泄漏耳。邵
悌拜曰。真高明遠大之見也。却說鍾會下寨
已畢。升帳。大集諸將聽令。時有監軍衛瓘。護

軍胡烈。大將田續。虜會。田章。爰彭。

音省

丘健。夏

侯咸。王買。皇甫閏。句安等。手下將八十餘人。

會曰。必須一大將為先鋒。逢山開路。遇水疊

橋。誰敢當之。一人應言曰。某願往。會視之。乃

虎將許褚之子許儀也。眾皆曰。非此人不可。

為先鋒。會喚許儀曰。汝乃虎體猿班之將。父

子有名。今眾將亦皆保汝。汝可掛先鋒印。領

五千馬軍。一千步軍。徑取漢中。兵分三路。汝

可一路出斜谷。左軍出駱谷。右軍出子午谷。

此皆崎嶇山險之地。當令軍填平道路。修理橋梁。鑿山破石。勿使阻礙。軍有違者。必依軍法。許儀受命領兵而進。鍾會隨後提十萬餘衆。星夜起程。却說鄧艾在隴西。既受伐蜀之詔。一面令司馬望往遏羌胡。又遣雍州刺史諸葛緒。天水太守王頎。隴西太守牽弘。金城太守楊欣。各調本部兵前來聽令。比及軍馬雲集。鄧艾夜作一夢。夢見登一高山。望漢中。忽於脚下迸出一泉水。勢上湧。須臾驚覺。渾

身汗流。遂坐而待旦。乃召珍虜護衛。緩邵問之。邵素明周易。邵入帳拜畢。艾備言其事。邵荅曰。按周易云。山上有水。曰蹇。蹇卦者。利西南。不利東北。孔子云。蹇利西南。往有功也。不利東北。其道窮也。將軍此行。必然克蜀。成其大功也。但可惜蹇滯不能還。艾聞知。憮然不樂。

樂。

後艾果中姜維之計。殺死於綿竹縣矣。

是日天暮。鍾會檄文

至。合艾起兵。絆住姜維。同約於漢中取齊。艾遂遣雍州刺史諸葛緒。引兵一萬五千。乃先

斷姜維歸路。次遣天水太守王頌引兵一萬

五千。從左攻沓中。隴西太守牽弘引兵一萬

五千。從右攻沓中。又遣金城太守楊欣引兵

一萬五千。前於甘松。名地邀姜維於後。艾自引

兵三萬。往來接應。却說鍾會出師之時。有百

官送出城外。旌旗蔽日。鎧甲凝霜。人強馬壯。

威風凜然。鄉民無不稱羨。惟有相國參軍劉

寔微笑不已。太尉王祥見寔冷笑。就馬上握

其手而問曰。鍾鄧二人。此去可平蜀乎。寔曰。

破蜀必矣。但恐皆不得還都耳。王祥問其故。劉寔但笑而不答。祥以為狂言。遂不復問。只舉盃送鍾會去訖。早有細作入沓中。報知姜維。維即寫表申奏後主。請降詔。乃遣左車騎將軍張翼。領兵守護陽安關。右車騎將軍廖化。領兵守把陰平橋。這二處極為緊要。若失二處。漢中不保。又入吳求救。臣自提沓中之兵。一面拒敵。表到成都。時後主景耀五年。又改為炎興元年。後主覽表已畢。驚倒在地。半

昉方甦。召黃皓問曰。今魏國遣鍾會鄧艾。大起人馬分道而來。如之柰何。皓奏曰。此乃姜維欲立功名。故申其表也。陛下寬心。勿生疑慮。臣聞城中有一師婆。供養一神。能知吉凶。可召來問之。後主從其言。於後殿陳設香花紙燭。享祭禮物。令黃皓用小車請入宮中。坐於龍牀之上。後主焚香再拜以告此事。師婆忽然披髮跣足。就殿上跳躍千百遍。盤旋於案上。皓曰。此神人降矣。陛下可退左右。親禱。

之後主盡退左右侍臣。乃再拜祝之。師婆大
叫曰。吾乃西川土神也。陛下忻樂太平。何為
求問他事。魏國數年之後。亦歸陛下矣。安敢
正視蜀中乎。陛下切勿慮之。言訖昏倒於地。
半晌方醒。後主因此大喜。不信姜維之表。賜
師婆金百兩。錦百疋。及珍珠等寶。師婆受訖
出內。後主每日只在宮中飲宴歡樂。此時姜
維累申告急表文。皆被黃皓隱匿。因此誤了
大事。先說鍾會大軍。迤邐望漢中進發。前軍

先鋒許儀要立頭功。先望西而入。前至南鄭道口。有一山。名曰南鄭關。過即漢中矣。儀回顧衆將曰。關上不問多少人馬。只飛驟搶過可也。於是守關將盧遜。只有一軍守之。關前有一木橋。橋下是大澗。當日聽知魏兵齊來搶關。遜急令軍士裝起武侯所遺連弩。其弩一張發十矢。比及預備方了。許儀兵齊來搶關。忽然梆子響處。矢石如雨。儀急退時。早射倒數十騎。魏兵大敗。儀回報鍾會。會不信。自

提帳下甲士百餘騎。迺來視之。果然弩箭一齊射下。會撥馬便回。關上盧遜引五百軍殺將下來。會拍馬過橋。橋上土塌。陷住馬蹄。爭豈兒掀下馬來。馬掙不起。會步行跑下橋時。盧遜趕上一鎗刺來。被魏兵中荀愷回身一箭射。盧遜落馬。鍾會大呼曰。乘勢搶關。此時蜀兵五百人在關前。因此關上不敢放箭。被鍾會殺散。奪了山關。便保荀愷為護軍。以全副鞍馬鎧甲賜之。會喚許儀至帳下責之曰。

汝為先鋒。吾累下令。教逢山開路。遇水疊橋。專一修理橋梁道路。以行吾軍。吾方纔到橋上。陷住馬蹄。幾乎墜澗。若非苟愷。吾已被蜀人殺矣。汝既違軍令。叱武士斬之。諸將泣告曰。其父有功于朝廷。名重於當世。望都督恕之。待詣甘松。邀姜維之後。有功贖罪。無功誅之。會大怒曰。吾若犯於司馬公之手。肯恕吾乎。遂令斬首示衆。諸將無不駭然。會下令。催兵殺入。人心終是不安。此時蜀將王含守樂

城。蔣斌守漢城。見魏兵勢大。不敢出戰。乃閉門自守。每城只有五千人馬。會令前軍李輔圍樂城。護軍荀愷圍漢城。會調撥已畢。乃與衆將曰。兵貴神速。不可少停。即時掣兵來取陽安關。守關將蔣舒傳僉商議設計。舒曰。近聞魏兵二十餘萬而來。勢不可當。不如守之為上。僉曰。不然。魏兵遠來。必然疲困。雖多何益。我等若不下關戰時。漢樂二城休矣。蔣舒沉吟未決。忽報大隊魏兵已至關前。蔣傳二